



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三九一

九曲山房詩鈔十六卷九曲山房詩鈔續集一卷附偶然吟一卷 宗聖垣撰

一

芸暉館詩集二卷 吳貽詠撰

一九九

林太史集十四卷附存一卷 林兆鯤撰

二二五

雨春軒詩草十卷首一卷 姚頤撰

三〇五

石蘭堂詩稿九卷（河朔集二卷古耕集一卷宣南草二卷滇行吟草一卷）

五溪歸棹吟一卷宣南續草一卷甲午後編一卷 張德懋撰

四四七

承蔭堂詩選二卷 慶玉撰

五五五

怡情書室詩鈔一卷 愛新覺羅如松撰

六一一

虛窻雅課初集一卷虛窻雅課二集一卷 佟佳氏撰

六三三

九曲山房詩鈔

九曲山房詩鈔

余束髮就塾喜抄古今名人詩及衾衣食奔走有
所感觸輒學爲韻語既無書卷亦不知體格惟自
寫其性情而已歲丁未通籍入粵庚申復佐雷陽
官事簡易因集舊稿而裁汰之存者僅十之四五
按年月編次成卷適五公坦園來守是郡觀余詩
勸刻甚力且曰子老矣一生閱歷在是身後或致
散失寧不自惜耶余然其言遂付諸梓嘉慶五年
十二月朔會稽宗聖垣自序

九曲山房詩鈔

自序

一

九曲山房詩鈔總目

卷一

古今體詩六十九首

卷二

古今體詩七十一首

卷三

古今體詩七十五首

卷四

古今體詩七十首

卷五

古今體詩六十八首

卷六

古今體詩七十六首

卷七

古今體詩八十九首

卷八

古今體詩七十七首

卷九

古今體詩六十六首

卷十

卷十一

古今體詩五十一首

卷十二

古今體詩四十五首

卷十三

古今體詩六十二首

卷十四

古今體詩七十七首

卷十五

古今體詩八十首

卷十六

古今體詩七十五首

九曲山房詩鈔總目

二

九曲山房詩鈔卷一 已卯至癸未

會稽宗聖垣芥颺

湯明洞天

怪石天半來兀兀混沌樣恍經億忽手一竅開虛
亮線路出蟻旋仄竇關雲宕古蘚積千年絕壁高
難量露泉滴如酥猿猱就空望天人歸太元都會
極清曠投簡緬前賢築廬愜幽尚靈木間異芝深
秀結中益夜來風雨歸岌岌作飛狀

南塘望海

青紅蜃氣到天微海上光明正落暉斷埂如城分
九曲山房詩鈔卷一
兩界驚濤似馬出重圍烟空細認峯巒疊雲盡
無鴈驚飛大地蒼茫原有路漁人聯榜趁潮歸

王右軍祠

墨池筠管自清華依舊烏衣古巷斜百里湖山開
俎豆五更風雨動龍蛇黃庭卷失原無字青漆門
留尚有家絕世芳標時一過亭前栽徧素心花

過李氏園林書感

雲壑餘巉石園荒路亦歧勞魚驚鳥毳去蝶怕蛛
絲榮悴春風異寒暄老樹知名場舊賓客猶賸壁
間詩

九曲山房詩鈔

劉雪湖梅花畫壁

畫家寫花知寫意不知作畫如作字一波一磔生
根株小枝運腕幹運臂雪湖畫梅故入神指尖有
力排千鈞振筆橫掃三十尺蟄雷不動天爲春老
龍角立挾雨走瘦蛟倔強尾其後蛟涎狼籍龍鱗
披天門跌蕩相持久盤空怒攫門不止淋漓墨沫
歎盈斗俄焉晴日陰雲收兩樹梅花出雙手槎枒
旋結冰雪胎勁圓法自鍾張來銀鈎鐵畫互映發
頓教草聖成花魁雪湖畫壁不多見徑丈得之選
佛院想其懸梯揮灑時大書直比凌雲殿

九曲山房詩鈔卷一

春江曲

晚天卵色鮮新雲水風乍斂魚尾分少鳥月上夜
如畫無邊花氣春氤氳穠桃艷李夾細浦金粉沿
塘初過雨十里五里垂虹橋一聲兩聲飛雀鳴楊
絲相間蘆與蒲翠螺浮拭青銅鋪江上漁人夢鷓
鴒江上美人歌鷓鴣輕暖宛轉如雛燕茶爐筆格
供游宴玉乳罇調芍藥香雪羅幔暈芙蓉片鴉鬟
十五嬌有餘修蛾淺染斜波舒潮痕欲流紅未滿
舊蘼花露三分初銀蟾低轉繁枝杪宿霧深沉鶯
破曉收盡花間宕宕春平江一艇蜻蜓小

鏡湖嬉春詞

深碧浮家是鏡湖香堤層展錦氍毹何來三婦圍
成艷不惜千金買作圖引月招風歸吐納數花門
草任羸輪叢篁一帶青迷路宛轉逢人問柳姑
嫩寒恰是養花天春服初成半卸綿侍史華年嬌
似水社翁微雨散爲烟徐行轉怡雕橋滑好事多
從畫閣傳記得昨朝芳讌罷藥欄蝶影上秋千

陳豆村山水畫冊出示商八竹谿席上

畫山山有情畫水水有聲畫松意古石骨清筆以
枯澗分陰晴墨色近遠秋毫爭礪谿屋墅熨貼平

九曲山房詩鈔

卷一

三

此身宛在圖中行豆村老住西湖濱曉嵐晚翠暮
其神不滯一物存氣韻不立一法涵清真天風鼓
動林壑響吹落春雲入吾掌大文垂世皆自然信
手無勞著意想竹谿愛畫兼受客花下開樽布瑤
席酒酣爲示古錦冊羣峰秀撲雙眉碧日午空堂
綠陰積不知簾外炎曦赤

天章寺

噴噴磐石路寥寂招提境蘿莽入烟微嵐翠到門
靜歸雲一何繁亂峯不可整明霞上斜壁返照在
東嶺風定竹無聲亭亭萬竿影饑猿窺齋厨幽禽

浴泉僧老貌亦古途宵日易暝言歸越平谿初
月出林挺

河燈詞

七月十五鬼時節陰雲冥冥月微黑人家對住橫
河邊團飯燒紙作功德中流何處鏡鼓鳴僧船度
鬼載火行紙旛招動紙鬼輕蠟烟香供僧搖鈴佛
火如雨如排星當河四散爲鬼燈浪紋一疊燈一
層金蓮之花無根生一聲法螺萬燈起水氣騰騰
成火市投火入水火不滅推鬼落水鬼不死水借
火勢光琉璃寸燈丈影上下齊鬼風吹之亦不移

九曲山房詩鈔

卷一

四

羣鬼相顧驚神奇船頭主僧擲佛米細灑淨瓶甘
露水餘燈照耀紫衣紫路鬼擲掄河鬼喜香烟轉
碧火零亂鬼笑分燈逐波散月高夜午人不見幾
點青燐秋草岸

雷門雨泊

濕雲飛不下四山黯平楚漠漠林塘秋坐此孤蓬
雨葉葭望中冥野漁向烟語

種竹

種樹須十年松柏更耐守拱把至合團主人應白
首易成莫如竹雷動春筍長五日長過窓十日長

過牆直欲干雲霄亦復傲霜雪沃土厚皮肉瘠土
堅骨節但種無不活作對分雄雌肥瘦遂其性養
之如嬰兒蠹傷因過肥太瘦色減綠還當發繁枝
數竿便避俗山房有隙地成竹先在胸祇煩三五
輩吟嘯常相從勿學顧辟疆滿屋生叢陰最愛青
疎疎一幅倪雲林石偃根難容斜枝上階級風雨
客不來許爾當門立

西陵道上

曉樹濛濛掛雨絲平沙路滑客行遲隔烟帆影白
於鳥正是錢塘潮落時

九曲山房詩鈔

卷一

五

肩輿就石幾回停雨後烟嵐分外青憶是故鄉山
色好行人須記三還亭

夜投青花菴同吳九墨堂唐二石蓬

野火落高樹寺門秋水深孤舟石杠下露氣何鬱
森唧唧野僧起人語驚栖禽風葉來蕭蕭坐覺微
寒侵佛窗共明月照此夜禪心

朝音洞

石眼見天影空際落雲片一指破蒼痕元默豁然
變非假亦非真乃是如來面

玉帶橋

九曲山房詩鈔

金沙跨長虹倚石坐來久桃花不勝雨片紅掬盈
手歌舫一時開清風在高柳

放生池

池開一鏡明倒影凌青紫何處萍花香人定數魚
起俄聞撥刺驚疎風打梅子

湖心亭

湖水四圍碧孤亭日夜浮風自天外來月向波中
流萬籟此時寂知非人間秋

謁伍相國祠

國士將爲沼孤臣不必存片言非忤主一死豈忘
恩墓樹衰烏集江潮怒馬奔至今吳下士還識大

夫尊

蕭山舟次

蕩舟出山驛疎桺催嚴更孤月忽墜水浮光漾空
明天漢澄秋浦星斗臨峽城涼葉動鳥思荒野無
雞鳴夜長何時旦百里生鄉情

書陸丈季昭長江喚渡遺照後

大雪浮江薄於紙凍雲入水飛不起雪殘雲斷水
空流一望茫茫幾千里丈人好作汗漫遊徧尋五
岳經滄洲旗亭羈帳供吟醉看盡梅花百二樓紫

疆半濕攬處短雕鞍不動坐來煖窮海於今絕羽
書隔江何處吹蘆管蠻姬玉面錦綉襦後有從者
君眼奴渡艇唧尾泊沙口長天雪意空模糊翁昔
韶年歷宦海瑤筵銀蠟生光彩峴首碑前暮雨深
甘棠樹下春陰靄脫簪爲賦還山歌舟子招招竟
渡河長纓短簪半拋擲但攜素襪凌清波一朝榆
社風霜逼老桂叢蘭化寒棘南國詞人不再來西
閣明月長相憶我今披卷瞻英姿劍花熠熠馬欲
嘶銀濤雪岸無今古如見當年喚渡時

猛虎行

九南山房詩鈔

卷一

七

黑風刮葉落如雨虎眼放光出林莽嗷嗷俛哭時
變聲衰草荒原留血縷山人多住山後村家家過
午深閉門泉鳴松吼助虎勢雞犬散亂驚黃昏壯
者胆怯抽身避老者焚香告土地官符疾下募官
兵親向山中除醜類官兵橫曳半檣槍官長騎馬
拖紅韁村民遮道看官府牙爪矜悍人亦虎

冬夜聞蟋蟀

一寒已至此猶自作長吟仰看月在壁兼之風滿
林關山愁暮笛隣火急秋砧欲別難爲別蕭蕭夜
氣深

夜過臨平

殘月沒林端蒼蒼夜未闌江烟連岸失人語一燈
攢孤榜因風滯寒衾怯夢單殷勤謝關吏囊溢却
羞看

吳江

野火如星映翠微數殘更漏夢依稀烏鴉啼上城
頭月何處岑岑尚搗衣
蓬底涼生露氣濃郵旗津鼓記遊踪今宵不作歸
鄉夢好聽寒山夜半鐘

望崑山

九南山房詩鈔

卷一

八

江面一峰出望之如故鄉何來新畫稿却憶舊湖
莊遠樹淡於染歸雲閒亦忙烟螺最深處鳴磬有
僧房

渡黃浦江

一葉出江門洶洶眼界昏馬牛風並及天海氣全
吞斷岸隨潮沒遙城帶霧渾他時履平易回首更
銷魂

上海官舍病起東故鄉諸友

莽莽天涯一病身跼蹐斗室負佳辰青衫骨瘦當
寒雨黃菊秋深念故人湖海飄零夢寐文章聲

價委風塵羣公占盡家居樂常捧盤餐侍老親

題劉栢亭先生佩劍圖

神物鋒鋷皆內飲龍紋隱隱猛士見千金易之波
斯市銅甌盤螭鏤花紫十年鍊氣攻磴礪白虹直
貫青雲衢一朝邊沙響寒鐵葉河六月飛霜雪時
清洗盡鐔中血此劍留傳千古奇武畧韜晦爲文
儀栢亭先生今佩之先生愛書兼愛劍軒然頌改
書生面書生學書稱醇儒誰云學劍非吾徒有時
揮劍如作字騰空畫影得古意兩蛇怒鬥蛇骨來
太華峰頭蓮花開有時擊劍如撫琴深山一夜蒼
九曲山房詩鈔卷一

九

虬吟梅花亂落孤月冷杜鵑口血啼人影先生胸
中萬卷藏陶鑄金石融陰陽雙眸炯含秋水光十
指橫掃匹練長華寶五色呈文章屹立顧盼神洋
洋苦纓束冠程罽裝流蘇垂帶海貝黃腰間奕奕
盤魚腸疑是團獵白石岡雙鞬壓臂射鵰罷金鞍
倒插傾駝漿先生意氣何激昂清風細吹鼙鼓張
劍花四照生青芒掀髯按劍談滄桑浩然一笑雲
蒼茫

夜泊黃浦

夜黑江逾闊孤舟燈火暝鄉心逐歸鴻浪跡等飄

九曲山房詩鈔

萍魚戰星光濕龍眠海霧腥五更潮正落帆掛曉
山青

金閨曉發

烟火叢中帶水微幾家樓幙上朝暉凝情却怪金
鬚蝶無草無花滿岸飛

舸艦如雲出曉城畫旗層映布帆明箇中多少金
貂客也聽秋江落鴈聲

牛車謠

百斤壓肩不能越溝千鈞引輓躊躇濁流嗟乎爾
人不如牛豆槽不足放青野鞭扑血出死輪下嗟
九曲山房詩鈔卷一

十

乎爾牛不如馬

農夫愛牛如愛兒飼稻浴水無失時青堆夜嚼茅
檐低役夫驅牛如驅鴉黑毛脫落口吐牙寒冰上
蹄蹄如瓜路長草短愁不飽世間萬事耕田好

靈隱寺

晴鏡磨開玉女扉雲樓高轉法輪圍茗花煮後水
能熟石佛坐來山不飛幾處帘收遊騎散數聲鐘
響飯僧歸層林望入韜光路百尺浮圖對落暉

魯甸巡簡行

巡簡葉公徽昨山陰人官魯甸雍正辛亥

逆倮叛公正衣冠拒賊死子學儒出邊瀛
血尋父骨以歸

倮奴人形而獸性華言不通令不聽行擔綱斧卧
枕刀門狠但誇唬虎勁霜飛八月邊草殘葉君奉
檄來抱關儒生握管等閒事苦無大力安諸蠻傳
析巡更正防守忽驚烽燄沉星斗兵氣排山動地
來逆倮夜入烏蒙口鼓鼙聲震魯甸司微曹軀命
同懸絲進攻退保兩非策絕少戈甲無城池葉君
振臂呼激烈不幸小臣臨大節報國未立徑寸功
效死惟餘一腔血雪鋒火鏖橫空雨結纓獨當賊
九曲山房詩鈔 卷一 十一

來處烟烟兩眼終不顧怒視賊來怒視去英氣直
上雲爲昏羣倮見之亦生怖有子家居翁計至頭
顱破裂心胆碎窮南萬里匍匐行荆棘風波全不
避沙場纍纍白骨枯骨堆時露金僕姑揮泪刺臂
臂血落泪血臂血交模糊血滴他骨血不入萬骨
堆中萬點血刺血尋骨六十日孝感天知非妄說
骨血旋合該足奇徵信猶裏生前衣殘體騰脊十
存五餘者瑣瑣成紅縻吁嗟乎從來忠孝無二理
要如鐵石心先死致身竭力盡所爲非斯父不生
此子 堯舜之世多傳人沐浴 聖化扶大倫似

此箕裘合成傳一門風節千秋新
殘菊

霜老鴈飛單疎籬帶影看秋容無可瘦詩骨不禁
寒細雨人將別孤燈酒半闌餘香尚留戀且盡此
時歡

亭山望落日

薄雲散天末松杉晚風起落日如畫輪圓轉行空
駛照眼未及瞬徐低若漸邇林端徑尺紅餘影直
到水一峰矗如掌鍊暈蓮花紫對山張巨吻半規
食曉齒浮嵐淡於墨迴光染成綺東嶺猶蒼黃數
九曲山房詩鈔 卷一 十二

燈出村尾炊烟相與深草路渺難指畢趣獨淹留
此景彌曠爾

南塘泛舟

平郊初雨後紫翠洗來新野樹深藏屋村船慣趁
人絲竿湖上隱桑柘岸傍春可是桃源路無勞更
問津

韓丈浣村招飲同王蘭洲

露氣侵人酒未消當筵列炬話長宵雙扉只許青
山近萬里曾經赤鬣驕座間談及宦遊往事垂老詩篇無藻
績忘機伴侶有漁樵醉來重把吳鉤看星斗離離

欲動搖

吼山精舍

崑嶂暗通津舟行石繞身鳥馴同就屋魚老不驚
人泉滴雲巢乳花藏玉洞春閉關客小住隔斷軟
紅塵

送馮七丈夫之豫章

昔君北平乘輕車二月看盡長安花彩管分題徧
油幕香名舊若籠碧紗侯門畫戟列中府鞠脰尊
前禮意古搖鞭馳驟成萬言檄席殷勤重三語春
風吹綠芙蓉池錦帆旋向江南移澄懷重遇范孟

九曲山房詩鈔

卷一

十三

博爽氣快挹王嶽之竹西亭閒夜歌舞瓊花上筵
月未午撿波倒海酒如潮分與虛寒金作土南北
遨遊三十年故山招以歸來篇種已成陰宅邊樹
臘有賣賦囊中錢還鄉爲結風月友黃茅小築臨
潮口樓角晴時望翠螺雨餘客至供青韭我住卧
龍山之麓君家只隔雙橋曲乘閒共說桑麻好踐
約且留雞黍熟粉榆逐日如流川獨立蒼茫思浩
然肯教范蠡舟空泊忽念陳蕃榻尚懸西江轉引
通津筏高閣珠簾好挂笏豈無長劍倚層霄亦有
哀絃動寒月老驥久伏霜蹄輕騎鷹一展碧眼明

掉頭復理舊鞍策秋屏山色遙相迎桃花大路送
行馬長歌把酒花之下自此風雲又際時嗟乎我
豈長貧者

驟雨

烟水空無際山窗傍晚開亂雲先鳥過急雷趁泉
來竹借隣家蔭花從別院栽牆邊泥有跡蠶女采
桑回

過南湖村居

村落秋先到西風老白蘋湖喧漁作市寺近佛爲
鄰禾黍滋膏壤陰晴課野人喜無塵俗面安處樂
天真

九曲山房詩鈔

卷一

十四

寒食語

薄風吹烟烟不結花梢日暖好時節城頭暮暮人
似雲城下紛紛絮如雪綠衣少年東復西當爐賣
酒抹額低滿街紅雨蹋作泥竹雞啼罷啼家雞
清明柳插家家屋雀茶破香貓筍熟畫船啣尾出
郭遲看盡十樣春山眉打鼓上塚紙錢碎烏鴉影
裏人半醉野棠一樹紅垂泪墓門老松葉青翠

送舅氏之泗州

春闌乍喜停征棹秋老依然感斷蓬遊子言歸家

作客長途此去雨兼風州城斗大棲身穩湖澤天
寬放眼空是處登臨足懷古淮徐形勢昔稱雄
垂白高堂八十餘龍鍾負杖倚門閒泣惟張口全
無淚話到關心只望書行橐難充聊自諱歸期有
約半憑虛江程千里頻回首竊需雲天慘不舒
落葉哀蟬不住聲西風轉動渭陽情家無長物難
爲養門有垂條慣送行應世方知文字重爲貧便
覺別離輕黃塵滾滾爭馳驟驚馬何堪伏檻鳴有江南之行

題鍾旭獵虎畫卷

九曲山房詩鈔

卷一

十五

人不可近鬼與虎虎勢無邊鬼無王鬼驚虎赫一
氣盡南山進士神鐵舉召鬼爲兵羣鬼聚大獵秋
原震鉦鼓疆鬼拿旗爲鬼官以鬼制鬼鬼不頑是
鷹是犬寧非鬼一時鬼氣高於山前行游騎掉虬
斧後隊燐燈引雀弩疑陣排成棹机裝滿車載出
絕絀部盤峰踰嶺任飄瞥口邊畫角聲橫絕去來
但聽草頭風毛血紛紛落如雪俄聞中軍傳羽箭
百獸無辜開一面與人駭害須有名擒賊擒王稱
善戰林間有虎飽人肉黑章黃質雙綠合圍衆
鬼大掩羣刮地狂颺裂山竹獻功生縛同俘囚金

繩八尺櫻其喉鬼亦不善虎不惡此鬼與狼母乃
讐鬼能懾虎鬼色凜虛耗窮奸患俱寢太平景象
畫圖懸山市人家卧高枕

雷門鼓歌

春雷填填鼓聲大天上之鼓擊不破旬破一轉開
地骨怪蛇時角飛出穴霸吳柳威蛇爲門橫江昂
首氣欲吞越山高壅土城土六千君子謀一鼓十
年造鼓金火煉十年打鼓風雲變鼓今非鼓能作
雷朝打暮打蛇門頽內蛇胆碎外蛇入雷乃收聲
盡戶墊夜半城頭鶴雙語破鼓化爲阿香去

九曲山房詩鈔

卷一

十六

日鑄茶歌

五精上天布星影三竈埋雲露晉井青氣蟠空夜
有光相傳歐冶居此嶺銅液千年入深土土花生
香香葉吐清虛自抱仙質異槍旗不與凡草伍春
雷一聲蟄驚早含毛帶尖綠未飽薄喧乍射雀咋
舌曉露初開鷹破爪村女撩鬟纖手潔忙過穀雨
清明節攜筐攏袖出山來瓦屋蒸籠微火熱一火
三火用全力壓黃焦釜須辨色有火無焰存火意
傷焙只防轉眼刻就時正熟如嫩金窮邊萬縷堆
細鍼浪烟藉草借餘潤棖篴隔竹鋪涼陰開品亞

鬪稱清絕揀芽漬餅分鈔列冰紋寒滴崑閭乳蟹
眼輕翻甌面雪體堅投沸拳如珠肉理甘滑充雲
腴鼻端隱隱透仙氣芳味不雜櫻筍厨壑源沙溪
何足數合白盜葉空爭互英產原從地脈來大岡
自有精靈護我欲移家嶺邊住屋後重栽三百樹

三江城訪傅柳園

不道三江口偏成五柳村城無車騎影屋有薜蘿
痕瓜菜春移圃魚龍夜繞門空青浮點點海氣未
全昏

六月十七日病中作

九曲山房詩鈔

卷一

十七

暑威偏逢雨淒風入幕吹乍涼身自決將病母先
知襪被秋前借茶湯午後宜牀頭頻慰勸衰髯更
如絲

題史心裁松陰聽簫圖兼爲送別

憶昨吳淞滯行李孤舟落月淡浮水一曲鳴鳴聽
洞簫愁人中夜披衣起荻蘆叢裏啼鴉夢回江
上羣峰青江花江鳥互蕭瑟此曲由來不忍聽迢
歸匝歲蓬門閉往事迷離未全記梓里無端晤史
君出圖轉動銷魂意是處金商破寂寥明樓隔水
情迢迢雲歸巫峽三千里月上揚州廿四橋冷冷

九曲山房詩鈔

寒籟出虛牖嫋嫋餘音經素手城頭幾點落梅花
風外何人折楊柳碧闌干遶泉響清入松散作秋
聲鳴鶯谿三尺寫未了側耳就之如有聲飄蓬予
亦東西客展卷惓然淡沾臆塞草悲生牧馬霜
榆愁封旗亭笛故園舊雨欣無恙歌管吟樽開祖
帳明日長江掛片蒲哀猿斷雁增惻悵

剡溪

東嶽壁立西清風兩崑對峙如雙龍嶠山列障若
遮護四源合鏡明當中曲檻過峽三五里豁然始
見津梁通巨浸頑洞會淵數細流百道歸所宗新

九曲山房詩鈔

卷一

十八

漲無波蕩春碧澄潭徹底涵秋空蒲茭夾浦樹齊
岸萬綠深入烟微濛好山秀出不可數雲間徧插
青芙蓉二十七鄉茶氣白一百五日花枝紅人家
雞犬隔林竹村頭村尾皆樵農漁柳牧笛忽隱現
暈天鴈水分纖濃夕陽欲下翠嵐滴迢迢梵舍聞
疏鐘武陵桃源亦有此清虛但許留仙踪鳴禽破
曉雨聲住縠紋溪面光溶溶柳花如雪好乘興扁
舟訪戴將母同

秋夜

岑寂夜何許啾啾蟲語悲更長孤月定山冷白雲

知落葉深埋屋寒燈細入帷西風驚病骨肩聳不成詩

雙清閣晚望

四面峰爲障青深雨氣消秋烟不到樹野水欲沉橋蹟勝懷前度心閒息衆囂夕陽人影散谷口趨歸樵

移花篇

奇花一樹天下無細裁碎錦攢流蘇風微徐颺紫羅帶雨酥新醉紅玉膚此種相傳自海國居然一本千金值含英初放半梢春百卉從教少顏色關九曲山房詩鈔

卷一

十九

奩月滿凝脂面栩栩蛟蝶窺團扇路人指點望中香翠鎖重門不相見名園蒔植年復年扶搖欲上青雲巔千株妒煞小山桂十丈虛稱太華蓮移根直向瓊臺路仙掌分莖潤甘露金谷園中裙屐忙沉香亭北闌干護孰意趨時是失時機華太甚成癡迷杜鵑啼罷只餘血文豹禿盡空留皮東皇無心禍自召早榮先萎賀者弔寒谷幽篁舞雪歌低牆小草披風笑秋烟疎雨昏羅幙鸚鵡鳴無言冷金索顧盼當時盛綺紈飄零此日填邱壑歎息凡花共一根枝枝葉葉有啼痕山人種書不種樹花落

花開但杜門

爲羅堦夏題納涼圖

芳塘明鏡開萬柳晴絲挂人坐翠微間鬚眉綠如畫

藕花上塘紅碧荇牽如帶潮水不流香香在好風外

自九里村至石屋

百折行多誤殘碑認古亭草分秋路白山暖午烟青樵客數泉美寺僧誇佛靈攀蘿紀遊興題徧北扉屏

九曲山房詩鈔

卷一

二十

東松嶺山莊

松葉連山積茅簷曉日斜雞雖知有母貧犬不離家古趣存農戶淳風愛物華昨宵春雨過溪水可漚麻

諸葛銅鼓歌

青銅漬血蝕肥土團花斑駁綠垂乳兩旁提耳擊有聲傳是諸葛征蠻鼓當時鑄合木火功毋土子水配乾午龜蛇夔虎森侈張千里輓霆促行部渡鹽五月草未春鐵環漆甲排嶙峋蠻人不識金作韋四山響應如有神風聲陣壓龍沙塞烈風夜助

焱炎隊降旗一片出烏羅百峒髮髯鼓前拜十姓
五姓甘鞭馳焚人竿馬隨披離鬱律爲開北征路
旂幟却領南方夷中原洪吼恣鏖戰隆隆疊震神
山面街亭一夕折黃龍從此轟雷雜雲變金商轉
肅括玉壘平沙萬幕寂如水大將星移五丈原寒
日昏冥鼓聲死銅精入地霜草枯紫泥三尺融銀
鏡定軍山前山月白忠氣未散猶援枹由來此鼓
英靈聚絕異鐘鐺備樂府歷劫不壞垂千年好事
圖形入博古莫作人間玩好看中有愁魂泣陰雨
得唐石蓬北行途次手書

九曲山房詩鈔

卷一

二十一

相逢草草別匆匆揮手天涯感慨同俠氣未消長
劍白汨痕乍見尺書紅三更戍火荒雞驛萬里河
冰瘦馬風前路梅花應早放更傳春信到山中

登豐山望夏蓋湖

窄風響崑葉夕陽在鴉背一徑入林微雲根屐齒
礙樞衣窮層岡豁然得曠疎佛頂滴餘青石氣接
空竊前峰未竭賞遙川更增愛明霞蕩迴波變互
非一態烟外數鷗動天際兩山對蒼虛不可極後
約還冀再

九曲山房詩鈔卷二

甲申到西戍

會稽宗聖垣芥賦

商竹銘案頭石屏題曰小赤壁余爲作歌

小赤壁石玲瓏千年積髓凝蛟宮月魄陰護晴霞
烘混元結體造化功欬然變幻如神龍鱗甲蛻縮
同昆蟲初疑斑皮霜剝黃山松靈珎三寸盤根紅
又如洗頭玉女解瓊粉曙光輕拖微露濃或謂旋
巖震憾太華峯一瓣飛落金芙蓉縱然高閣不滿
尺其勢直欲摩蒼穹青花小字篆隸連繩頭鐫刻
煩良工色赤不赤壁峭同高卑一派非分宗吾聞
九曲山房詩鈔卷二

黃州赤壁山陸崇下臨長江萬頃之澄洪龍旗鼉
鼓排礧礧雨洗忽見西山虹何來一葉中有鬚翁
風起水湧洞簫曲終羽衣道士不再逢祇今蒼莽
追其蹤惟見千仞嵯峨插天半荒藤野荔攀無從
何如米顛懷袖中一拳形勢非磨礧爲屏爲壘符
采形墨池翻照光童童文場筆戰爭奇鋒好從壁
上觀英雄開簾對明月入座招清風卧遊亦覺詩
夢融雲嵐寸合夜氣靜豈無戛然野鶴鳴遙空吁
嗟主人命名之意含無窮萬千氣象咸包籠曾說
須彌藏芥子還將日月問壺公

萬松書齋同周西園

烟積薄涼處月生新雨餘山深百禽穩夜靜萬松
虛下榻堪容客開窗漫著書俄聞風葉響颼鼠落
檐除

題二樹山人梅花畫障卽送其關中之行

昨夜北風打窗破暗香細傍簷牙過山人夢醒起
開門白馬山頭月初墮花光人影散不收悄然忽
動辭鄉愁慘淡銷魂人欲去高空著意花爲留分
明舊友增依戀二十年來隨筆硯今朝錄別爲傳
神墨雨無痕結成霰南湖水次西轡薄故園萬王
九曲山房詩鈔卷二

圖中看須知奇樹徧天下飛崖絕壑遇者難山人
自言愛古歡欲慕芳躅窮追攀孤山平山遊已足
爲尋紫閣藍田間揮手長歌竟餘幅重傾樽酒燒
銀燭隴外傳來驛使書笛中吹出江城曲繁葉迴
風作舞妍零珠亂點別離筵綠波春草片帆掛還
向津亭理畫牋我爲梅花感知己翹首秦關東雲
起疎影黃昏一送君茫茫雪海三千里

二樹以亡友劉鳳岡畫冊見示感賦

從來名花易凋謝當春一雨連昏朝黃鶯失友啼
不止落紅飛滿江東橋山人瑟居樂太古雙扉歲

樊生蓬蒿求書問字屢齒錯不煩折柬相招邀綠
窗烟輭日卓午爲剪園韭沾村醪坐間有客談往
事卯金舊雨推前茅驚才奕奕誇虎繡遊燕往往
窮蟲雕主人太息棟遺蹟墨痕成頓圍輕綃開函
但覺鬱蒼秀萬千崑崙迫秋毫薄嵐夾松結茅屋
細流過澗浮漁舸叢林修竹辨曉暮雪深雨重分
亭皋淋漓十幅具真氣豈似粉本工臨描想見解
衣勢磅礴龍尾三尺迴春潮畫思澎湃瀑飛下詩
意蓬勃峰爭高名山志業不在遇遇時小枝輕鴻
毛不爾老死柔翰下姓氏猶得傳吾曹三冬著書

九曲山房詩鈔卷二

嘔神血十年辛味催霜髮秋曉寒牽冷牀竈漆燈
半滅枯桐燒北邙誰作風月主白楊荒落啼飢泉
殘膏賸馥祇餘此使我涕淚霑青袍主人聽歌語
嗚咽請書卷首爲題標夕陽在壁客四散門前桑
苧風蕭蕭

夜過密雲院

野闊水湘合何來鐘一聲隔橋驚路斷入樹見燈
明僧梵此時寂諸天相與清誰知密雲外蕭颯有
人行

舟至方塢

唐詩人方
干城隱處